

秀山志卷之九

詩集 七言古

恭謁秀山陵廟

陳聲永

我聞山不在乎高何況神靈鍾紫霄又聞山有仙則名
何況帝子而文星心焉仰止數千載今日登臨瞻少海
种而藹兮恭而安咫尺天顏儼然在循墻趨謁衣冠陵
松楸西向尤爽塏依稀華表鶴歸來文選樓頭藜煥彩
太子仁孝本天心行優則學誰能逮選政親搯創且垂
繼往開來應有待更思大飢大疫時池人岌、乎危殆

秀山志

卷之九

詩集

一

維神德與天地參曾顯英靈蘇病餒自正祀典迄於今
薦享常期無或怠天之報施已極隆尊以徽稱永不改

秋日展拜秀山陵廟

貴池章世德 楓菴

襄陽而外文選樓一在揚州一池州千古文章經睿選
六臣注釋皆名流生時鶴馭歷江國最愛秀山山水幽
刺篙挽緯由鱸口我來展拜當深秋隋時倉埠埋荒州
釣臺兀立雲根浮梁代衣冠瘞高塚陵廟蔭木多松楸
帝子遺容猶彷彿邛醪洗奠羅庶羞辦香拈罷緬芳躅
欲別未別仍遲留淅、霜風楓栢赤猿聲兩岸送歸舟

昭明書院

建德王爾網絡李

昔聞太子遊讀書秀山址相望對石城貴池羨魚羨盛
傳以迄今廟祀非徒爾此地亦何緣書院嶙峋起金陵
六朝都憇息亦帝里吁嗟乎文選書成名不死侯景安
在哉霸先終已矣昭明謚號至今存風雨諸陵傳帝子

釣臺

豐泉陳仕昭啟明

釣於池水漣漪竿舉雲霞裊綸垂烟雨施帝子自尋天
性樂近臣恐亦未全知

釣於崖景更佳金鱗添錦浪玉鏡朗澄懷至今羸得漁

秀山志

卷之九 詩集

二

家樂歌唱聲、亦克諧

文選樓吟

貴池胡光心 觀廷

鏡潭白秀山青誰其主者帝子靈銀牕青宮不足戀蜃
輅翩、下帝庭模山範水矣秋浦烟霞深處駐行旌帝
子嗜書如嗜炙遊好不獨在六經周秦以降騷賦手羅
列一、第丙丁高向詞壇整旗鼓指揮進退部伍明正
始遺風煽江左摛文揆藻揚天廷高齋徐韋十學士攀
鱗附翼如登瀛洋、鴻章歸華海炯、寒芒耀前星至
今樓頭風月夜時時猶見光青熒吁陳思賦子晉笙儲

君自昔有芳聲金鐘大鏞振遠響誰復與君相抗衡

秋浦秀山廟歌

貴池柯沛巨川

秋浦之水清且漣秋浦之魚真新鮮玉食珍羞有佳味
何如銀刀出水調羹煎卓哉帝子神仙骨瀟洒懷開秋
浦邊秋浦水甘且美倉埠潭深清見底白雲紅葉兩悠
悠照耀前星水中吐生愛秋浦鱗歿愛秋浦民福我蒼
生千萬載馨香戶、欽明神廟貌巋然秀山麓朱甍西
棟起嶙峋試問六朝金粉地一椽片瓦誰家新

文選樓吟

貴池章敬脩慶延

秀山志

卷之九 詩集

三

蕭梁遺事傳秋浦前星朗徹照千古獨揀選政萃菁英
宛如東壁圖書府文成六代風滿樓鶴去千季雲一塢
更看明月挂峰前影釣寒潭珠媚嫵幾人慷慨咏悠悠
登臨空憶林泉主

釣臺

貴池吳鳴鸞宸訓

磻溪之水屯熊夢富春之渚披羊裘人各有志今出處
帝子遨遊非所儔羅列名山書萬卷選樓高據恣旁搜
偶適閒情釣於水澄清玉鏡波油、綸竿百尺垂芳餌
錦鱗上下爭啣鉤吁嗟帝子杳然去釣臺一片石仍留

蒼松寒篠低烟岼月明人靜風颼颼

釣臺

貴池王元梅王和

波蹙、石磷、有客持竿兮釣於寂寞之濱風聲淅兮
不見月色皎兮如親六朝事業水奔馳珊瑚樹拂朱絲
綸人生富貴駒過隙東海千年復揚塵君不見臺城粉
堞勢崔嵬荒燐夜火燒蕪萊秋浦磯頭一片石狂風暴
雨難沉埋白雲滿眼迷歸路烟波一碧杳然去吁嗟蠟
鵝千古冤杜鵑啼到無聲處

文選樓懷古

石埭陳鳳苞

秀山志

卷之九

詩集

四

帝子芳踪文選樓一在揚州一池州兩地人民各尸祝
畢竟神靈何所留假令前星朗天宇居尊可以踐九五
何至纍、土一抔徒泣空山之風雨却幸池陽山水佳
帝子來遊駐斯土茲上天錫非偶然維揚胡可同日語
當日埋鵝費疑猜遺蛻遂留秀山隈憶昔曾為禁樵牧
祇今宮寢益崔嵬丹衷自堪懸日月至性猶足後風雷
乃知別樹不朽業豈徒在進退六朝低昂兩漢之雄才

文選樓吟

銅陵吳拜昌

梁武嗜佛書昭明崇儒術聚古起岑樓高齋文選出文

選世所師斯樓表遺逸十臣華表不復存萬軸琳琅韵
緗帙日臨四牖啟文光月上三台然太乙君不見臺城
舊址屬誰家風雨摧殘桃李花獨有青宮宏麗漆擷芳
漱潤集羣葩只今秋浦樓頭客長嘯秋風吟暮鴉

文選樓吟

貴池曹麟開啟我

雲塢西偏一逞長迴環浦水如瀟湘蕭梁帝子盛詞翰
選樓百尺凌中央憶昔前聖本天縱龍形虎氣看雲驤
等閒長嘯辭鶴禁前星遙照湖山俯飛欄擅獵鑿山翠
蘭栢虹抗明鏘璫螭坳駕砌交絡繹雲牕霧几森開張

秀山志

卷之九

詩集

五

銅烏夜曼虎林月珠簾朝捲清溪霜暇日登臨恣吟賞
蒞函犀檢披琳琅古今上下一俯仰揮斤八極雙瞳方
姬漢以來越七代流傳派別勞端詳摘雲揆露失真宰
瓊枝玉樹徒凋裝別裁偽體歸風雅鏗擊鐘呂堂哉皇
文成百萬垂龜鑑卓為學海開鴻荒六臣才漆亦人傑
搜羅纂訂資匡襄落、遺編炳天地秋波餘澤爭汪洋
回首建康渺無許颺零王氣悲滄桑兩花臺上青蒿長
觀稼堂中宿草黃爭似茲樓峙千古呆愚不逐秋塵颺
我來展眺荐蘋藻摩挲卷軸心徬徨穹碑挿笏屹雲表

蘚紋駁蝕龜趺香憑欄對景動吟興湖天一氣涵清蒼
澄江如練樹若薺雉堞睥睨橫星岡九瓣芙蓉滴煙靄
一潭玉鏡摩月光臺畔風流呼欲出霓旌歷落當風翔
吟餘矯首矚天末危樓日落蒼烟茫

昭明祠

貴池 方本豐御城

好山秀出樹青葱層矗竒巒雲氣通中有雕甍帝子宮
峩、璀璨何尊崇千秋俎豆聲呼嵩選樓高峙摩蒼穹
揆華擣溱奪天工鞠育當年履赤裘烝黎澤沛沐仁風
愛遊秋浦駐神驄雲靄、兮日曛、一朝鸞蹕駕長空
秀山志

卷之九 詩集

六

精靈默注廣幘幪挽來舟粟拯飢窮戴德羣吁再造功
血食祠延享祀隆丹楹刻楠仰宸楓香清篆結精融、
時有紫氣出芳叢

文選樓

貴池 章敷政任球

君不見文選樓高偪蒼穹何假南面百城雄獨據詞壇
振旗鼓俯聞衆響如秋蟲又不見文選文芒萬丈長青
藜爍焰映蕭梁三千卷帙恣勘點百代猶餘纂組香吁
嗟乎六朝繁華駒過隙韵事樓頭畱勝跡前星朗、耀
簷楹洞捲筠簾山色白

謁秀山昭明廟

貴池 柯 駿翰飛

秋浦澄澈山崔嵬半天靈氣朝飛來百年殿宇復新搆
蕭梁遺愛人交推憶昔蕭梁賢太子生來姿稟本粹美
三十年餘了此身寄情總在山與水祇今山水留清音
至死難明一片心蠟鵝厭禱胡為者術士之言基禍深
息諛幸仗徐勉力不然父子恩幾賊君不見申生歸胙
起簧惑欲辯不能行不得又不見巫蠱獄起兵急勒歸
來望思空鬱抑從古純孝弗獲信骨肉至親生荆棘吁
嗟梁昭明樓標後世名文選應比履霜捺發憤著書若
秀山志

卷之九 詩集

七

為情衣冠景仰昔時墓瞻拜竝立東西楹福星垂蔭永
血食千秋香火心同傾雞壇聲噪三萬卷我欲闡幽為
歌孝子行

文選樓歌

青陽 章聖謨

碧雲寂歷迴鮮藻文選樓高雲在抱當年帝子擅風流
至今藝苑恣探討君不見染翰烟雲手澤存六朝著作
供評論一朝蒼松風雨起疑是霓旌縹緲空中翻

秀山廟懷古

貴池 王 佐 秉國

秋浦山甲吳中秀上有選樓隆傑構西向猶存帝子靈

東宮緬想衣冠舊不愛絲桐愛典墳瓣香周孔任斯文
琳琅卷軸充汗棟六朝點定驅烟雲嗟哉莫問蠟鵝事
孝思隱忍格天地慕永齋夔一片心勤深寢廟三朝視
警蹕來遊駐斯土精靈永作池陽主漢寢唐陵麥飯無
於皇血食綿秋浦我聞子晉吹笙不復遠勾吳采藥民
無傳何如仁孝蘭陵冑至今尸祝薦明禋

過玉鏡潭

貴池林榮

潭水波靜白雲浮弭節常懷帝子遊帝子已乘白鶴逝
至今潭水自悠悠、嫋、漁歌不知處一帶寒烟籠碧樹

秀山志

卷之九 詩集

八

歌聲欲歇哀猿啼斜陽照徹空山暮

路過秋浦望文選樓

桐城吳巨珩儒懷

帝子已乘白鶴去高樓空敞青山隈選文百代重師表
臺城粉堞叢蒿萊渺、石城雲水隔盈、一碧空溯洄
道旁惆悵鼓棹去風雨渡江他日來

釣臺懷古

石埭汪鍾寶書

松千竿竹一塢半空嘯出清風穀聲、呼我到南浦、
上帝子釣魚磯蒨荔披烟蒼苔雨當時垂釣玉鏡潭心
空蕭梁金粉之寰宇雨花臺擁石嵯峨不換郎山一片

土波瀾湧兮文思蘊
絲綸颭兮天機舞
鷗鷺盟風月主
侑壑蛟龍不敢欺
蛟龍蜿蟺皆夾輔
吁嗟噫嘻蠟鵝寬
日落杜鵑啼血苦
安得浦水百尺深
沈寃洗盡昭千古

秀山懷古

休寧葉士琅蘊夫

秀山長栽、浦水長清、帝子最愛清音處
結搆高樓羅俊英
訂成文選六十卷
至今千載著文名
衣冠陵寢巍然在年、俎豆猶芳馨
維揚傑閣亦高轟
廟貌芬苾同崢嶸
惟有文名孝名真不朽
不比江山城郭多變更
君不見可憐佳麗臺
城地寂寞無人問秣陵

秀山志

卷之九 詩集

九

正殿落成

貴池谷士煌敬脩

帝子休風肇自梁
來遊選勝秀山岡
山水清音叶宮商
何須絲竹雜笙簧
摘屈艷兮薰班香
六朝文運煥天章
拯飢載米停蘭航
少海恩波真汪洋
巋然宮殿起焜煌
朱簷近蔽雨風狂
邇時奚斯邁宋唐
玉階仙仗重輝光
彤墀紫禁雲飛揚
頓教日月新袞裳
潭澄玉鏡水流芳
瑯峰雄鎮勢昂藏
選樓佳句集琳琅
遊人玩賞恣徬徨
千季俎豆荐烝嘗
謳歌到處祝無疆

昭明祠

貴池柯森沛澍

蕭梁舊跡遺秋浦宮殿巍
栽隆棟宇白雲深鎖碧溪隈
松竹招風蒼苔雨選閣傳留翰墨香
千古雅調叶笙簧
漢魏集腋迄兩晉高懷洒落邁
宋唐秀山之靈、在此
前星照耀徹秋水
我來瞻拜仰芳型
荐馨為采水中芷
文選樓
貴池谷為棟應山

秀山高閣臨秋浦
鳳藻龍文跨千古
春殿時飛玉鏡霞
秋風夜撼倉潭雨
青宮浩氣與天游
文選書成據上流
閣中帝子今何在
雲日重輝百尺樓